

O`ZBEKISTON RESPUBLIKASI OLIY VA O`RTA MAXSUS
TA`LIMI VAZIRLIGI
Z.M. BOBUR NOMIDAGI ANDIJON DAVLAT UNIVERSITETI
JISMONIY MADANIYAT FAKULTETI
2-BOSQICH “B” GURUH TALABASI
UMARQULOV RUSTAMNING
JISMONIY MADANIYAT TARIXI FANIDAN

REFERATI

Qabul qildi:

T.Yusupov



MAVZU: ОЛИМПИАДА ЎЙИНЛАРИ ТАРИХИ

• REJA:

1. АФИНАДАН АМСТЕРДАМГАЧА.
2. ЛОС-АНЖЕЛЕСДАН
ХЕЛЬСИНКИГАЧА.
3. МЕЛЬБУРНДАН
МОСКВАГАЧА.
4. ЛОС-АНЖЕЛЕСДАН
СИДНЕЙГАЧА.



АФИНА 1896 ЙИЛ



Афина (Греция). I олимпиада ўйинлари. 6-15 апрел, 1896 йил Илк маротаба Грецияда ташкиллаштирилган олимпиада ўйинларида 136 мамалакатдан 311 нафар спортчи иштирок этди. (Австралия, Австрия, Болгария, Буюк Британия, Венгрия, Германия, Греция, Дания, АҚШ, Франция, Чили, Швейцария, Швеция). Илк маротаба ташкиллаштирилган олимпиада ўйинларида аёллар иштироки таъқиқлаб қўйилганди. Илк олимпиада чемпиони америкалик пойгачи Конноли бўлди. Сузиш мусобақаларида эса венгриялик Альфред Хайош икки олтин медал билан ғолибликни қўлга киритди. Биринчи олимпиада ўйинлариданоқ ғолиб спортчининг ватани шарафига мадҳиялар янграши анъана қилиб қўйилди. Грециядаги олимпиада ўйинларида мезбонлар биринчи поғонани банд этишган бўлса, АҚШликлар иккинчи, германияликлар эса учинчи ўринларни соҳиби бўлишди.

ПАРИЖ 1900


Париж (Франция). II олимпиада ўйинлари. 20 май – 28 октябр, 1900 йил.

Парижга 21 мамлакатдан 1300 нафар спортчи ташриф буюришди. Узоқ тортишувлардан сўнг ниҳоят МОҚ раҳбарлари Парижда ташкиллаштирилган олимпиада ўйинларида аёлларнинг ҳам иштирок этиши учун имконият беришди. Улар теннис ва гольф спорт турлари бўйича баҳс олиб бордилар. Америкалик Шейла Купер теннис мусобақасида рақибларидан устун келиб, аёллар ўртасида илк олимпиада чемпиони сифатида тарих зарварақларидан ўрин эгаллади. Париждаги олимпиада ўйинларида 88 та медаллар ўйналиб, шулардан 26 тасини қўлга киритган мезбонлар умумжамоа ҳисобида биринчи, АҚШликлар иккинчи, Буюк британиялик спортчилар эса учинчи ўрин соҳиби бўлишди.

СЕНТ-ЛУИС 1904

Сент-Луис (АҚШ). III олимпиада ўйинлари. 1 июл - 23 ноябр, 1904 йил.

АҚШга келиш учун чипталар нархи баланд бўлганлиги туфайли олимпиада ўйинларига Европадан бор-йўғи 39 спортчигина ташриф буюрди. 12 мамлакатдан жами 600 нафар спортчи иштирок этган ёзги олимпиада ўйинларида АҚШ 500 нафар спортчиси билан ғолиблик учун баҳс олиб борди. Мусобақалар тўлиқ мезбон спортчилар ташаббуси остида ўтди ва улар мусобақаларда ўйналган 89та олтин медалдан 70 тасини қўлга киритиб, умумжамоа ҳисобида рақибларини анча ортда қолдириб, биринчи ўринни эгаллашди. Иккинчи ўрин германияликларга насиб этган бўлса, кубалик спортчилар учинчи ўрин билан чекланишди



● ЛОНДОН 1908 ●




Лондон (Буюк Британия). IV олимпиада ўйинлари. 27 апрел - 31 октябрь, 1908 йил.


Олимпиада ўйинларида 22 мамлакатдан 2 минг нафарга яқин спортчи иштирок этди. Олимпиада ўйинларида ilk маротаба Россия, Туркия, Австралазия (Австралия ва Янги Зеландия терма жамоаси). Олимпиада ўйинларида ғалаба қозонган Уильям ва Шарлотта Додлар олимпия тарихида ғалаба қозонган ilk ака-сингиллар сифатида кирадиган бўлдилар. 42 километрли марафон мусобақасида иштирок этган италиялик Дорандо Пиетри финиш чизиғига санокли метрлар қолганида қоидани бузганлиги сабабли марафонни тарк этишга мажбур бўлди. Лондонда бўлиб ўтган олимпиада ўйинларида буюк британиялик спортчилар биринчи, АҚШликлар иккинчи, швецияликлар эса учинчи ўрин соҳиби бўлишди.

СТОКГОЛЬМ 1912

Стокгольм (Швеция). V олимпиада ўйинлари. 5 май - 22 июл, 1912 йил.

Олимпиада ўйинларида 28 мамлакатдан 3 минг нафарга яқин спортчи иштирок этди. Олимпиада ўйинларида ilk мартаба Япония, Миср, Португалия мамлакатлари вакиллари ўз омадларини синаб кўришди. Умумжамоа ҳисобида Олимпиада ўйинларида қуйидаги давлатлар вакиллари юқои поғонадан жой эгаллашди: 1. Швеция, 2. АҚШ, 3. Буюк Британия.





БЕРЛИН 1916

VI олимпиада ўйинлари
Берлинда (Германия)
ташкиллаштирилиши лозим эди.
Лекин биринчи жаҳон
урушининг бошланиши
олимпиада ўйинларини
тўхтатиб туришга сабаб бўлди.



АНТВЕРПЕН 1920



Антверпен (Бельгия). VII олимпиада ўйинлари. 20 апрел - 12 сентябр, 1920 йил.

Олимпиада ўйинларида 29 мамлакатдан 2600 нафарга яқин спортчи иштирок этди. Олимпиада ўйинларида илк мартаба Аргентина, Бразилия, Чехословакия, Югославия каби мамлакат спортчилари ўз омадларини синаб кўрдилар. Олимпия кўмитаси қарорига биноан I жаҳон уруши сабабчиси ҳисобланган Германия ва унга иттифоқдош бўлган мамлакатларнинг олимпиада ўйинларида иштирок этиши таъқиқлаб қўйилди. Шунингдек, Собиқ иттифоқ вакилларининг ҳам олимпиада учрашувларидаги иштироки маън этилди. Учта олтин ва битта кумуш медални қўлга киритган финляндиялик чопқир Пааво Нурмин Олимпиада ўйинларининг энг яхши спортчиси деб топилди. Мусобақанинг якуний жадвали қуйидагича кўриниш олди: 1. АҚШ, 2. Швеция, 3. Буюк Британия.

ПАРИЖ 1924

Париж (Франция) VIII олимпиада ўйинлари. 4 май - 27 июл, 1924 йил.

Олимпиада ўйинларида 44 мамлакатдан 3000 нафарга яқин спортчи иштирок этди. Олимпиада ўйинларида ilk маротаба Мексика, Польша, Руминия, Уругвай, Филиппин каби давлатлар вакиллари қатнаша бошлади. Олимпия қўмитаси германиялик спортчиларга олимпиада ўйинларида иштирок этишни бу сафар ҳам таъқиқлаб қўйишди. Голибликни яна АҚШ вакиллари қўлга киритган бўлишса, францияликлар иккинчи, финландияликлар эса учинчи поғонадан жой олишди.



АМСТЕРДАМ 1928

Амстердам (Голландия). IX олимпиада ўйинлари. 17 май - 12 август, 1928 йил.

Олимпиада ўйинларида 46 мамлакатдан 3000га яқин спортчи иштирок этди. Илк мартаба олимпиада ўйинларида Мальта, Панама каби мамлакат спортчилари иштирок этишга муваффақ бўлишди. 16 йиллик танаффусдан сўнг ниҳоят германиялик спортчилар олимпиада ўйинларида қатнашиш ҳуқуқини қўлга киритишди. Амстердамда ўтган олимпиада ўйинларининг очилиш маросимида биринчи мартаба кабутарлар учирилди, биринчи мартаба аёллар гимнастикаси олимпиада спорт турлари қаторидан жой олди. Қизиқарли учрашувларга бой бўлган баҳсларда АҚШ вакиллари яна бир бор биринчи ўринни қўлга киритган бўлишса, 16 йиллик танаффусдан сўнг яна олимпиада ўйинларида иштирок эта бошлаган германиялик спортчилар иккинчи ўринни қўлга киритишди. Швециялик спортчилар учинчи ўринга муносиб деб топилди.



ЛОС-АНЖЕЛЕС 1932

XTH OLYMPIAD
LOS ANGELES
1932



Лос-Анжелес (АҚШ). X олимпиада ўйинлари. 30 июл - 14 август, 1932 йил.

Бу галги олимпиада ўйинларида 37 мамлакатдан 1400га яқин спортчи ўз омадларини синаб кўришди. Илк маротаба олимпиада ўйинларида Хитой ва Колумбиядан таширф буюрган спортчилар ҳам иштирок этди. Лос-Анжелесда ташиқиллаштирилган олимпиада ўйинларида илк маротаба олимпиа шаҳарчаси барпо этилди. X олимпиада ўйинларида 41та олимпиада ва 18та жаҳон рекорди янгиланди. Мутахассислар 5 маротаба олтин медални қўлга киритган япониялик спортчини Олимпиада сенсацияси сифатида эътироф этишди. Олимпиадада мезбонлар меҳмон давлат вакилларида кўра кўпроқ медалларни қўлга киритиб, биринчи ўринни қўлга киритган бўлишса, италияликлар иккинчи, германияликлар эса учинчи поғонадан жой эгаллашди.

БЕРЛИН 1936 ЙИЛ

Берлин (Германия). XI олимпиада ўйинлари. 1-16 август, 1936 йил.

Олимпиада ўйинларида 49 мамлакатдан 4000 нафарга яқин спортчи иштирок этди. Илк маротаба олимпиада ўйинларида Афғонистон, Боливия, Коста-Рика, Лихтенштейн, Перу мамлакат вакиллари қатнашди. Тўртта олимпиада рекордини янгилаган нигериялик Оуенс Олимпиада ўйинлари қахрамони сифатида эътироф этилди. Ўз уйида кечган олимпиада ўйинларида германиялик спортчилар биринчи ўринни қўлга киритишди. АҚШ ва Италия давлатлари вакиллари эса иккинчи ва учинчи ўринларни бўлиб олишди. Берлинда ўтказилган олимпиада ўйинлари машғаласи биринчи маротаба қуёш нурлари орқали ёқилиб, Грециядан Берлингача бўлган масофани спортчилар эстафетаси ёрдамида босиб ўтди.



ХЕЛСИНКИ 1940

*ХІІ олимпиада ўйинлари 1940 йил
Хельсинкида
(Финляндия)ўтказилиши лозим эди.
Иккинчи жаҳон урушининг
бошланиши олимпиада ўйинларини
ўтказишга тўсқинлик қилди.*

ЛОНДОН 1944



**XIII олимпиада ўйинлари
1944 йил Лондонда (Буюк
Британия)
ташкиллаштирилиши лозим
эди. Лекин иккинчи жаҳон
урушининг бошланиши
олимпиада ўйинларини
тўхтаб туришга мажбур этди.**

ЛОНДОН 1948

Лондон (Буюк Британия). XIV олимпиада ўйинлари. 29 июл - 14 август, 1948 йил.

Бу галги олимпиада ўйинларида 59 мамлакатдан 4000 нафарга яқин спортчи иштирок этди. Илк мартаба олимпиада ўйинларида Бирма, Венесуэла, Ироқ, Эрон, Покистон, Сурия, Цейлон, Жанубий Корея, Ямайка мамлакатидан таъриф булган спортчилар иштирок этишди. Иккинчи жаҳон урушининг бош сабабчилари - Германия ва япониялик спортчиларнинг олимпиада ўйинларидаги иштироки таъқиқлаб қўйилди. Аёллар ўртасида югуриш мусобакаларининг барчасида ғалаба қозongan Голландиялик Франнина Бланкерс-Кун олимпиада ўйинлари қахрамони сифатида тарих зарваракларидан жой эгаллади. Шунингдек, венгриялик боксчи Ласло Палл хам олимпиада ўйинлари қахрамонларидан бирига айланди. Англияликлар мусобакада мезбонлик қилишларига қарамай, ҳатто кучли учликка хам қира олмадилар. АҚШлик спортчилар эса акенича, меҳмонда ҳаракат қилишган бўлса-да, боника жамоа аъзоларидан кўп олтин медалларни кўлга киритиб, биринчи ўринни эгаллади, швецияликлар иккинчи, французлар эса учинчи поғонадан жой олдилар.



ХЕЛЬСИНКИ 1952



Хельсинки (Финляндия). XV олимпиада ўйинлари. 19 июл - 3 август, 1952 йил.



Олимпиада ўйинларида 69 мамлакатдан 5000га яқин спортчи қатнашди. Илк маротаба олимпиада ўйинларида СССР (300га яқин спортчилар билан), Африка мамлакатлари, Исроил, Индонезия, ГФР каби мамлакат спортчилари иштирок этдилар. Собиқ иттифоқ шарафини ҳимоя қилган Виктор Чукарин марафон мусобақасида 4 та олтин, 2 та кумуш медалини қўлга киритиб, Олимпиада қаҳрамонларидан бирига айланди. Илк маротаба олимпиада ўйинлари ғолиблиги иккита жамоага насиб этди. СССР ва АҚШ спортчилари тўплаган медаллар сони бир хил бўлганлиги учун улар 1-2 ўринларни бўлиб олишди. Венгрияликлар эса Хельсинкида ўтказилган олимпиада ўйинларида учинчи ўринни банд этишди.

МЕЛЬБУРН 1956 ЙИЛ

Мельбурн (Австралия). XVI олимпиада ўйинлари. 1956 йил, 22 ноябр - 8 декабр. Австралияда бўлиб ўтган олимпиада ўйинларида 67 мамлакатдан 3178 нафар спортчи иштирок этди. Австралияда жонзотлар орасида тарқалган касаллик сабабли от спорти ўйинлари Стокгольмда 11-17 июн кунлари бўлиб ўтди. XVI олимпиада ўйинларида илк маротаба Кения, Эфиопия, Уганда, Фиджи давлатлари вакиллари қатнашишди. Бундан ташқари, ГДР ва ФРГ спортчилари биргаликда мусобақаларда иштирок этишди. Собик иттифок таркибида олимпиада ўйинларида енгил атлетика йўналишида қатнашган Владимир Кус 5000 ва 10000 метрли маррани биринчилардан бўлиб босиб ўтиши натижасида олимпиада рекордини ўрнатиш билан бирга, мутахассислар томонидан ўйинларининг энг яхши спортчиси дея эътироф этилди. Собик иттифок спортчилари Мельбурнда ташкиллаштирилган олимпиада ўйинларида 37 та олтин, 29 та кумуш, 32 та бронза медаллари билан тақдирланишди ва жамоавий медаллар ҳисобига кўра биринчи ўрин соҳиби бўлишди. АҚШлик ва австралиялик спортчилар эса иккинчи, учинчи ўринларни бўлиб олишди.



РИМ 1960 ЙИЛ



Рим (Италия). XVIII олимпиада ўйинлари. 1960 йил.

Римда бўлиб ўтган олимпиада ўйинларида 84 мамлакатдан 5313 нафар спортчи иштирок этишди. XVIII олимпиада ўйинларида илк маротаба Марокаш, Бирлашган Араб Амирликлари, Сан-Марино, Тунис давлатлари вакиллари ўз омадларини синаб кўришди. Спортчилар 76та олимпиада рекордини янгилашга муваффақ бўлдилар. Собиқ иттифоқ вакили Юрий Власов, учта олтин медални қўлга киритган америкалик Вильма Рудольф ва эфиопиялик марафончи Абебе Бикилалар Олимпиада ўйинларининг энг яхши спортчилари деб топилдилар. Илк маротаба олимпиада ўйинларида спортчининг вафот этиши кузатилди. Даниялик велопойгачи К. Е. Йенсен допинг моддасини истеъмол қилиши натижасида вафот этди. Медаллар бўйича СССР спортчилари биринчи ўринни қўлга киритган бўлса, америкаликлар иккинчи, германияликлар эса учинчи ўринни банд этишди.



ТОКИО 1964 ЙИЛ

Токио (Япония). XVIII олимпиада ўйинлари. 10-24 октябр, 1964 йил.

Бу галги олимпиада ўйинларига илк маротаба Осиё қитъаси мезбонлик қилди. Япония пойтахтида ўтган олимпиада ўйинларида иштирок этувчи давлатлар сони аввалгисига қараганда бирмунча ортди (93 давлат), лекин иштирокчилар сони камайиб кетди (5140 киши). XVIII олимпиада ўйинларида илк маротаба Жазоир, Камерун, Конго, Сенегал, Ливия, Малайзия, Мўғулистон ва Непал мамлакатлари спортчилари қатнашдилар. Шунингдек, Токиода ўтган олимпиада ўйинларига илк маротаба дзюдо спорт тури ҳам киритилди. Олимпиада ўйинларида 35та жаҳон ва 77та олимпиада рекорди янгиланди. Абебе Бикила олимпиада тарихида марафонча югуриш бўйича қаторасига икки маротаба ғалаба қозонган биринчи спортчи бўлиб тарих саҳифаларидан ўрин оладиган бўлди. Собиқ иттифоқ шарафини ҳимоя қилган Вячеслав Иванов эса қаторасига учта олимпиада ўйинларида ғалаба қозонди. Медаллар сони бўйича СССР вакиллари АҚШлик спортчилардан олдинга ўтиб кетган бўлса-да, олтин медаллар сони бўйича ортда қолди. Токиода ўтган олимпиада ўйинларида СССР таркибида ҳамюртларимиздан Светлана Бабанина, Наталья Устинова, Сергей Диамидов, Алексей Коклюшевлар ҳаракат қилишди. Илк маротаба Токиодаги олимпиада ўйинларини бошқа қитъаларга ҳам телетрансляция қилинди ва бир миллиарддан ортиқ киши бевосита ойнаи жаҳон орқали учрашувларни кузатиш имкониятига эга бўлдилар. Юқорида айтиб ўтганимиздек, собиқ иттифоқ вакиллари биринчи, АҚШликлар иккинчи, германиялик спортчилар эса олимпиада ўйинларининг учинчи ўрини соҳиби бўлишди.



МЕХИКО 1968 ЙИЛ



Мехико. XIX олимпиада ўйинлари. 12-27 октябр 1968 йил.

XIX олимпиада ўйинларига мезбонлик қилиш ҳуқуқини Мексика пойтахти қўлга киритди. Жанубий Америкада ташкиллаштирилган олимпиада ўйинлари кескин курашларга бой бўлиб, унда 112 мамлакатдан беш ярим мингга яқин спортчилар иштирок этди. Мехикодаги олимпиада ўйинларида бир нечта Осиё ва Африка қитъасидан ташриф буюрган бир нечта мамлакатлар ўз дебютларини ўтказишди. СССР таркибида бу сафарги олимпиада ўйинларида ҳамюртларимиздан Светлана Бабанина, Наталья Устинова, Вера Дуюнова, Михаил Коклюшев ва Сергей Коновлар иштирок этишди. XIX олимпиада ўйинлари АҚШлик спортчилар ташаббуси остида ўтди, деб бемалол айтса бўлади. Америкаликларнинг 45 маротаба шохсупанинг энг юқори поғонасидан жой эгаллагани сўзимизга исбот бўла олади. Собиқ иттифок спортчилари Мехикодан иккинчи ўрин билан қайтиб келишган бўлса, германияликлар учунчи ўрин билан чегараланишди. Чехославакиялик Вера Чеславска 4та олтин медалларни қўлга киритиб, Олимпиада тарихига ўз номини олтин ҳарфлар билан ёзиб қўядиган бўлди.

МЬЮНХЕН 1972 ЙИЛ

Мьюнхен (Германия). XX олимпиада ўйинлари. 26 август - 11 сентябр 1972 йил.

Германияда бўлиб ўтган олимпиада ўйинлари аянчли хотиралар билан ёдда қоладиган бўди. Сабаби “Қора сентябр” деб ном олган фаластинлик бир гуруҳ террористлар тайёрагоҳда исроиллик спортчиларни гаровга олишди. Бунинг натижасида исроиллик бир нечта мураббий ва спортчилар ҳаётдан кўз юмишди. Олимпиада ўйинларининг очилиш маросими бир дақиқалик сукут билан бошланди. Шундан кейингина спорт ўйинларига рухсат берилди. Мьюнхендаги олимпиада ўйинларида 121 мамлакатдан 7 мингга яқин спортчи иштирок этди. Шунингдек, Мьюнхенда илк мартаба Албания, КХДР ва Того вакиллари ҳам қатнашишди. СССР шарафини ҳамюртларимиздан Вера Дуюнова, Элвира Сади, Алжан Жормухамедов, Рустам Қозоқов, Николай Анфимов ва Александр Юдинлар ҳимоя қилдилар. Мьюнхендаги сув ҳавзаларида америкалик Марк Спиз 7 та олтин медални қўлга киритиб, ўзига хос рекорд ўрнатишга муваффақ бўлди. СССРлик спорт усталари 50та олтин медалларини ўз ҳисобларига ёзиб қўйиб, олимпиада рекордини янгилашди. Германияда ўтказилган олимпиада ўйинларида америкаликлар СССР вакилларидаан кейинги иккинчи, мезбонлар эса учинчи поғонани банд этишди.



[МОНРЕАЛ 1976 ЙИЛ]



Montréal 1976



Монреал (Канада). XXI олимпиада ўйинлари. 17 июл - 1 август, 1976 йил.

Канадада ўтказилган олимпиада ўйинларида 121 мамлакатдан 7121 нафар спортчи иштирок этди. Бу сафарги олимпиада ўйинларида илк маротаба Андorra, Янги Гвинея вакиллари иштирок этишди. СССР таркибида ҳамюртларимиздан Собиржон Рўзиев, Владимир Фёдоров, 1974 йилда ўтказилган бокс бўйича жаҳон чемпионати ғолиби Руфат Рихсиев, Валерий Дворяниновлар ўз омадларини синаб кўришди. Ҳамюртимиз Руфат Рихсиев кумуш медал билан тақдирланган бўлса, пахтакорчи В.Фёдоров собиқ иттифок терма жамоаси таркибида бронза медални қўлга киритди. Монреалда бўлиб ўтган олимпиада ўйинларида ГДР вакиллари кутилганидан ҳам муваффақиятли иштирок этишди. Бунини уларнинг АҚШ спортчиларини ортда қолдириб, СССР вакилларида келинги иккинчи ўринни қўлга киритгани билан эътироф этса бўлади.

МОСКВА 1980 ЙИЛ

Москва (СССР). XXII олимпиада ўйинлари. 19 июл – 3 август, 1980 йил.

Москвада ташкиллаштирилган олимпиада ўйинларида АҚШ, ГФР, Япония ва яна бошқа ўнлаб давлатлар Собиқ иттифоқнинг Афғонистонга қарши уруш эълон қилганлиги учун олимпиада ўйинларида иштирок этмасликларини билдиришди. Шунга қарамай, Москвадаги олимпиада ўйинларига 81 мамлакатдан 6000га яқин спортчилар ташриф буюрди. XXII олимпиада ўйинларида 36 та жаҳон, 39 та Европа рекордлари ўрнатилиши билан бир қаторда, 79 маротаба олимпиада рекордлари янгиланди. Собиқ иттифоқ спортчилари бир нечта кучли давлатларнинг иштирок этмаганидан унумли фойдаландилар ва 80 та олтин, 69 та кумуш, 46 та бронза медалларини қўлга киритдилар. Собиқ иттифоқ таркибида ҳаракат қилган ҳамюртларимиз Ўзбекистонга 13 та медаллар, шу жумладан 4 та олтин - Юрий Ковшов битта олтин, битта кумуш, волейбол терма жамоасида иштирок этган вакиламиз Лариса Павлова олтин, Эркин Шагаев олтин медалини қўлга киритдилар. Москвадаги олимпиада ўйинларида Александр Дитятин ўзига хос ўйин кўрсатиб, 3 та олтин, 4 та кумуш ва 1та бронза медалларини қўлга киритди. Шундай қилиб якуний жадвал қуйидагича кўриниш ясади: 1. СССР, 2. ГДР, 3. Болгария.



ЛОС-АНЖЕЛЕС 1984 ЙИЛ




Лос-Анжелес (АҚШ). XXIII олимпиада ўйинлари. 28 июл – 12 август, 1984 йил.

XXIII олимпиада ўйинларида Москвадаги каби Европанинг бир нечта кўзга кўринган давлатлари мусобақаларда иштирок этишдан бош тортишди. Шу жумладан СССР ва ГДР вакиллари ҳам мусобақа олдида иштирок этмасликларини баён қилиб чиқишди. Шунга қарамай, олимпиада ўйинларида 140 мамлакатдан 7 мингга яқин спортчи иштирок этди. Кучли давлат вакиллари қатнашмаётганлиги туфайли мусобақада АҚШ вакиллари яққол устунликка эга бўлишди. Бунинг натижаси ўлароқ океанорти спортчилари 83та олтин, 31та кумуш, 30та бронза медалларини қўлга киритишди. Америкалик спринтер Карл Луис 4 маротаба шохсупанинг биринчи поғонасидан жой олишга муваффақ бўлди.

СЕУЛ 1988 ЙИЛ

Сеул (Жанубий Корея) XXIV олимпиада ўйинлари.
17 сентябр - 2 октябр, 1988 йил.


Сўнги уч олимпиада ўйинларидан фарқли равишда Жанубий Кореяга 160 мамлакатдан жами 9141 спортчи ташриф буюрди. Ниҳоят, Кореяда бўлиб ўтган олимпиада ўйинларида барча кучли давлатлар вакиллари иштирок этишди. XXIV олимпиададан бошлаб катта ва кичик теннислар ҳам киритилди. Кореяда ташкиллаштирилган олимпиада ўйинларида СССР таркибида ҳамюртларимиздан 7 нафари муносиб иштирок этиб, юртимизга 2 олтин, 2 та кумуш ва битта бронза медаллари билан қайтиб келишди. Бу галги олимпиада ўйинларини ҳам допинг муаммоси четлаб ўтмади. 100 метрга югуриш бўйича ғолибликни қўлга киритган канадалик Бен Жонсон анализ топшириқларидан ўтаётганида унинг допинг моддаси истемол қилгани маълум бўлди ва чемпионатда қўлга киритган ютуғи бекор қилинди. Америкалик чопқир Флоренс Гриффит-Жойнер 100 ва 200 метрларга югуриш бўйича жаҳон рекордини ўрнатган бўлса, унинг ҳамюрти Метт Бionди 5 маротаба шоҳсупанинг энг юқори поғанасидан жой эгаллади. ГДРлик сузувчи Кристин Отто эса 6та олтин медални қўлга киритди. Осиё қитъасида ўтказилган олимпиада ўйинларида собиқ иттифоқ терма жамоаси биринчи ўринни қўлга киритган бўлса, ГДР вакиллари иккинчи поғонадан жой эгаллашди. АҚШлик спортчилар эса учинчи ўрин билан чегараланишди.



БАРСЕЛОНА 1992 ЙИЛ



Barcelona '92



Барселона (Испания) XXV олимпиада ўйинлари, 25 июл - 9 август 1992 йил. 1991 йил собиқ иттифоқ парчаланиб кетиши натижасида Барселонада ўтган олимпиада ўйинларида мустақилликка эришган давлатлар ўз номи билан иштирок эта олмаганлиги учун улар сўнгги маротаба МДХ таркибида ҳаракат қилишди. XXV олимпиада ўйинларида 173 мамалакатдан 9368 та спортчи иштирок этишди. Бу галги олимпиада ўйинларига бейсбол спорт тури ҳам киритилди. Илк маротаба Барселонада Американинг профессионал баскетболчилар жамоаси “Dream team” ҳам иштирок этди ва олтин медалларни қўлга киритди. МДХ таркибида ҳамюртларимиздан 17 нафари қатнашиб, юртимизга учта олтин, иккита кумуш ва битта бронза медаллари билан қайтишди. Гимнастика йўналишида иштирок этган украиналик Виталий Шербо 6 олтин медални қўлга киритиб, МДХ таркибида энг яхши спортчилардан бири деб топилди. Барселонадаги олимпиада ўйинларида 45та олтин, 38 та кумуш ва 29 та бронза медаллари билан МДХ спортчилари биринчи ўринни эгаллашган бўлса, АҚШликлар иккинчи, немис вакиллари учинчи поғонадан жой эгаллашди.

АТЛАНТА 1996 ЙИЛ

Атланта (АҚШ). XXVI олимпиада ўйинлари. 19 июл - 4 август 1996 йил.

1996 йилги олимпиада ўйинлари юртимиз тарих зарварақларига зарҳал ҳарфлар билан битиб қўйиладиган бўлди. Айнан шу йилдан эътиборан Ўзбекистон терма жамоаси мустақил давлат сифатида 13 йўналишдаги спорт ўйинларида 67 нафар вакилимиз билан спорт ўйинларида иштирок этишди ва мусобақаларда қатнаша бошлади. 197 мамлакатдан ўн мингга яқин спортчи иштирок этган олимпиада ўйинларида ҳамюртларимиз умумжамоа ҳисобида 58-ўринни эгаллашди. Дзюдочимиз Армен Богдасаров бир-биридан қийин бир нечта учрашувда ғалаба қозонди ва кумуш медал билан тақдирланди. Боксчимиз Карим Тўлаганов бронза медали соҳиби бўлди. Атлантада ташкиллаштирилган олимпиада ўйинларида илк маротаба пляж волейболи ҳам киритилди. Умумжамоа ҳисобида мезбонлар биринчи поғонани банд этишган бўлса, германиялик спортчилар доимо пешқадамлар сафида юрадиган россияликларни ортда қолдириб иккинчи ўринни қўлга киритишди.



СИДНЕЙ 2000 ЙИЛ



Сидней (Австралия). XXVII олимпиада ўйинлари. 16сентябр – 1октябрь 2000йил.

Сиднейда ўтказилган олимпиада ўйинлари ўзгача хотиралар билан ёдда қоладиган бўлди. 199 мамлакатдан 11 147 нафар спортчи иштирокидаги олимпиадада ўйинларини 220 мамлакатнинг 16 минг нафар журналистлари ёритиб боришди. Ундан ташқари 3.7 миллиард мухлис тўғридан тўғри репортажни кўриш имкониятига эга бўлишган бўлса, 25 миллион киши интернет орқали янги хабарлар билан танишиб боришди. Сиднейга ҳамюртларимиздан 77 нафар спортчи билан ташриф буюрди ва битта олтин, битта кумуш, иккита бронза медалини қўлга киритиб, норасмий ҳисоб-китобларга кўра, умумжамоа ҳисобида 41-ўринни банд этишди. Умумжамоа ҳисобида америкалик спортчилар Атлантадаги натижаларини такрорлаб, яна бир бор биринчи поғонани банд этишди, россиялик спортчилар иккинчи поғонадан жой эгалладилар. Сўнгги пайтларда муваффақиятли иштирок этаётган хитойликлар учинчи ўринни қўлга киритдилар.

АФИНА 2004 ЁИЛ

- The 2004 Olympic Games emblem is a wreath made from an olive tree branch, or kotinos. The emblem is a reference to the ancient Olympic Games, where the kotinos was the official award of Olympic champions. In addition, the olive was the sacred tree of Athens. The colours of the emblem symbolise the shades of white and blue found in the Greek countryside



ПЕКИН 2008 ЙИЛ



- XXIX Летние Олимпийские игры прошли в Китае 8—24 августа 2008 года. Основным местом проведения Игр стал Пекин, однако кроме столицы Китая соревнования также приняли китайские города Циндао (парусный спорт), Гонконг (конный спорт), Шанхай, Тяньцзинь, Синхуангдао, Шеньян (футбол).
- «One World, One Dream» — «Один Мир, Одна Мечта» — девиз Пекинских Игр.
- Эстафета Олимпийского огня прошла через пять континентов, при этом впервые в истории огонь был поднят на высочайшую вершину планеты — Эверест! Пламя Игр совершило 140-дневное путешествие по миру.
- Огонь Олимпиады в Китае зажегся в марте 2008 года, за пять месяцев до старта Игр. В эстафете приняли участие около 15 тысяч человек.
- Эмблема Олимпийских игр 2008 года — изображение бегущего человека на красном поле. Она представляет собой сочетание иероглифических знаков с традиционной олимпийской символикой. Ниже надпись на английском языке — Пекин 2008. Эта надпись также стилизована под китайскую каллиграфию. Внизу всемирно известная эмблема олимпийских игр в виде пяти колец.

Ushbu ma'lumotlar www.ziyonet.uz internet saytidan olindi. Musiqada Sulton Alining musiqalaridan foydalinildi.

**E'TIBORINGIZ
UCHUN
RAHMAT !!!**